



Comisiynydd y
Gymraeg
Welsh Language
Commissioner

Amserlen cyflwyno safonau i sefydliadau cylchoedd 1-4

Mae'r broses o gyflwyno safonau'n digwydd mewn cyfres o gylchoedd. Bydd Gweinidogion Cymru yn llunio ac yn pennu safonau mewn rheoliadau yn raddol i'r sefydliadau o fewn y cylchoedd hyn. Wedi i Weinidogion Cymru gymeradwyo'r safonau sydd wedi eu pennu mewn rheoliadau, mae'n awdurdodi'r Comisiynydd i roi hysbysiad cydymffurfio i'r personau sydd wedi'u cynnwys o fewn y rheoliadau hynny.

Gellir cael mwy o wybodaeth am yn ogystal â chopïau o'r holl hysbysiadau cydymffurfio wrth glicio [yma](#).

- Mae 26 sefydliad yng Nghylch 1, sef Gweinidogion Cymru, cynghorau sir a chynghorau bwrdeistref sirol yng Nghymru ac Awdurdodau Parciau Cenedlaethol.
- Mae 119 o sefydliadau yng Nghylch 2, gan gynnwys byrddau iechyd, colegau a phrifysgolion a chyrff cyhoeddus yng Nghymru.
- Mae'r 64 sefydliad yng Nghylch 3 yn cynnwys darparwyr tai cymdeithasol, adrannau Llywodraeth y DU, cwmnïau dŵr, Grŵp y Post Brenhinol a'r Swyddfa Bost.
- Mae 318 o sefydliadau yng Nghylch 4, gan gynnwys cyflenwyr nwy a thrydan, gwasanaethau rheilffyrdd a chwmnïoedd bysiau.

Cliciwch ar y [ddolen](#) hon i weld rhestr lawn o'r sefydliadau yn y pedwar cylch cyntaf. Mae [Cynllun Strategol y Comisiynydd ar gyfer 2015-17](#) yn nodi bwriad i barhau i gynnal ymchwiliadau safonau gan flaenoriaethu sectorau eraill a enwir ym Mesur y Gymraeg (Cymru) 2011.

Amserlen cyflwyno safonau i sefydliadau Cylch 1

Cafodd [Rheoliadau Safonau'r Gymraeg \(Rhif 1\) 2015](#) eu cymeradwyo gan Weinidogion Cymru ym Mawrth 2015 gan awdurdodi'r Comisiynydd i osod hysbysiadau cydymffurfio ar y 26 sefydliad o fewn cylch 1. Yn dilyn proses o ymgynghori ar hysbysiadau cydymffurfio drafft (o dan adran 47 Mesur y Gymraeg (Cymru) 2011, cafodd hysbysiadau cydymffurfio terfynol (o dan adran 44 Mesur y Gymraeg (Cymru) 2011) eu dyroddi i'r 26 sefydliad ar 30 Medi 2015 a daethant i rym ar 30 Mawrth 2016.

Amserlen cyflwyno safonau i sefydliadau Cylch 2

Mae'r broses o lunio a phennu safonau mewn rheoliadau ar gyfer sefydliadau cylch 2 yn digwydd yn raddol, yn seiliedig i raddau helaeth ar sectorau.

Cafodd [Rheoliadau Safonau'r Gymraeg \(Rhif 2\) 2016](#) eu cymeradwyo gan Weinidogion Cymru yn Chwefror 2016 gan awdurdodi'r Comisiynydd i osod

hysbysiadau cydymffurfio ar 32 o sefydliadau. Gellir gweld rhestr lawn o'r cyrff hyn o fewn Atodlen 6 y rheoliadau.

Yn dilyn proses o ymgynghori ar hysbysiadau cydymffurfio drafft (o dan adran 47 Mesur y Gymraeg (Cymru) 2011), cafodd hysbysiadau cydymffurfio terfynol (o dan adran 44 Mesur y Gymraeg (Cymru) 2011) eu dyroddi i 30 sefydliad o fewn y rheoliadau ar 25 Gorffennaf 2016 a daethant i rym ar 25 Ionawr 2017.

Cafodd [Rheoliadau Safonau'r Gymraeg \(Rhif 4\) 2016](#) eu cymeradwyo gan Weinidogion Cymru ym Mawrth 2016 gan awdurdodi'r Comisiynydd i osod hysbysiadau cydymffurfio ar y canlynol:

- Cyngor y Gweithlu Addysg
- Tribiwnlys Adolygiad Iechyd Meddwl Cymru
- Tribiwnlys Anghenion Addysgol Arbennig Cymru
- Tribiwnlys Eiddo Preswyl Cymru
- Tribiwnlys Tir Amaethyddol Cymru
- Tribiwnlys Prisio Cymru

Cafodd [Rheoliadau Safonau'r Gymraeg \(Rhif 5\) 2016](#) eu cymeradwyo gan Weinidogion Cymru ym Mawrth 2016 gan awdurdodi'r Comisiynydd i osod hysbysiadau cydymffurfio ar y canlynol:

- Awdurdodau Tân ac Achub
- Awdurdodau'r Heddlu
- Comisiynwyr Heddlu a Throseddau Cymru
- Prif Gwnstablaiad yr Heddlu yng Nghymru

Gellir gweld rhestr lawn o'r cyrff hyn o fewn Atodlen 6 y rheoliadau.

Yn dilyn proses o ymgynghori ar hysbysiadau cydymffurfio drafft (o dan adran 47 Mesur y Gymraeg (Cymru) 2011), cafodd hysbysiadau cydymffurfio terfynol (o dan adran 44 Mesur y Gymraeg (Cymru) 2011) eu dyroddi i 20 sefydliad o fewn Rheoliadau Safonau'r Gymraeg (Rhif 4) a (Rhif 5) ynghyd â 2 sefydliad o Rheoliadau Safonau'r Gymraeg (Rhif 2) ar 30 Medi 2016. Byddant yn dod i rym ar 30 Mawrth 2017.

Cafodd [Rheoliadau Safonau'r Gymraeg \(Rhif 6\) 2017](#) eu cymeradwyo gan Weinidogion Cymru yn Chwefror 2017 gan awdurdodi'r Comisiynydd i osod hysbysiadau cydymffurfio ar y canlynol:

- Career Choices Dewis Gyrfa Cyfyngedig;
- Sefydliadau Addysg Bellach
- Corfforaethau Addysg Bellach
- Sefydliadau Addysg Uwch
- Corfforaethau Addysg Uwch
- Cyngor Cyllido Addysg Uwch Cymru.

Gellir gweld rhestr lawn o'r sefydliadau hyn o fewn Atodlen 6 y rheoliadau.

Bydd y Comisiynydd yn cychwyn ar broses o ymgynghori ar hysbysiadau cydymffurfio drafft (o dan adran 47 Mesur y Gymraeg (Cymru) 2011) gyda'r sefydliadau yn fuan ac anelir at ddyroddi hysbysiadau cydymffurfio terfynol (o dan adran 44 Mesur y Gymraeg (Cymru) 2011) iddynt ym mis Medi 2017.

Amserlen cyflwyno safonau i sefydliadau Cylch 3

Cadarnhaodd Y Gwir Anrh. Carwyn Jones AC, Prif Weinidog Cymru yng Nghyfarfod Llawn Cynulliad Cenedlaethol Cymru ar 20 Hydref 2015 y byddai datblygu rheoliadau ar eu cyfer yn fater i'r Cynulliad nesaf.

Nid oes amserlen wedi ei gyhoeddi ar gyfer cyflwyno rheoliadau mewn perthynas â sefydliadau cylch 3. Bydd y Comisiynydd yn cyhoeddi amserlen ar gyfer cyflwyno safonau i'r sefydliadau hyn wedi i Weinidogion Cymru gyflwyno rheoliadau pellach.

Amserlen cyflwyno safonau i sefydliadau Cylch 4

Mae'r Comisiynydd wedi cynnal ymchwiliadau safonau i'r sefydliadau canlynol:

- Personau neilltuedig sy'n darparu i'r cyhoedd wasanaethau rheilffyrdd i deithwyr, 31 Mawrth i 30 Mehefin 2016
- Personau neilltuedig sy'n darparu gwasanaethau bysiau i'r cyhoedd, 31 Mawrth i 30 Mehefin 2016
Personau neilltuedig sy'n darparu gwasanaethau sy'n gysylltiedig i reilffyrdd yng Nghymru , 31 Mawrth i Mehefin 2016
- Personau neilltuedig sy'n darparu gwasanaethau sy'n gysylltiedig â nwy a thrydan yng Nghymru 14 Gorffennaf i 16 Tachwedd 2016
- Personau neilltuedig sy'n gyflenwyr nwy trwyddedig 14 Gorffennaf i 6 Hydref 2016
- Personau neilltuedig sy'n gyflenwyr trydan trwyddedig 14 Gorffennaf i 6 Hydref 2016

Cynhaliwyd yr ymchwiliadau hyn i sectorau cyfan yn hytrach nac i gyrff unigol ar wahân i'r ymchwiliad i Network Rail. Er mwyn gwneud hyn cysylltwyd gyda chwmnïoedd oedd yn gweithredu yng Nghymru yn unigol ond paratowyd yr adroddiadau fesul sector. Roedd 125 o gwmnïoedd bysiau yn ran o'r ymchwiliad i ddarparwyr gwasanaeth bysiau. Roedd 4 cwmni yn ran o'r ymchwiliad safonau i ddarparwyr gwasanaethau rheilffyrdd. Cyflwynwyd yr adroddiadau i'r sectorau trafniadaeth i Lywodraeth Cymru 31 Hydref, 2016.

Roedd 189 o sefydliadau yn ran o'r ymchwiliadau a gynhaliwyd i'r sectorau ynni. Cyflwynwyd yr adroddiadau i Lywodraeth Cymru 24 Chwefror 2017.